


天一閣藏明代方志選刊


天一閣藏明代方志選刊

南康府志



南康府誌序

正德乙亥歲余嘗閱南康府誌
脩之凡一郡之顛末自沿革以至詩
類筆之郡齋因舊爲新去繆存正補
遺汰冗以成郡誌嘗梓行矣茲郡築
城分邑皆盛舉也不可以無誌復攷
訂爲新誌云按府治面鄱湖負廬阜
屬星都建安四邑而星子負郭焉考



之府治自古無城至我

朝百五十年来亦未城正德六年北寇
奄至焚掠蕭然余正德二年以中臺
來守茲土未幾以憂去七年復補此
以公帑不敷乃築土城守之壞于雨
易以蠻石越明年壞者過半遂請于
當道鑿東古山城之己卯歲夏城垂
完值寧賊謀變中沮至庚辰之正月

訖工凡城樓門鍵箭臺水閘之類罔
不堅緻牢密爲保障生民久遠圖建
昌在府治百二十里安義等五鄉又
去建昌百里許聲教弗及民染土俗
往往梗化爲一郡累余嘗建白當道
議割五鄉爲縣縣以安義鄉名按察
副使宗公璽疏于

朝命下制府孫公燧經畫分縣張官頒

印墉邑安居制度寬拓規模一新焉
制府孫公猶慮安義之醴源嘗聚寇
爲地方患發帑金創通判蔡君讓城
焉又慮建昌之潭頭清樹寇嘗爲邑
患發帑金命知縣方鐸城焉至是工
皆就緒都昌亦在所議行將城焉夫
城以衛民民既有衛則外患可除衣
食可足禮義由之而生矣何患乎善

治之弗臻耶余兩承乏是郡七年于茲恒愧無補於治拳拳以城築爲己責者有以哉茲新誌成星子教諭陳咸訓導史雲程攷訂曰可梓矣庸書以告同志者

賜進士第中憲大夫知南康府事前湖廣道監察御史吳興陳霖書于六老堂

南康府誌目錄

卷之一

沿革 郡表 分野 郡名 形勝 風俗

卷之二

疆域 山川

卷之三

城郭 橋梁 津渡 坊鄉 舖舍 堂亭 樓閣 臺池

卷之四

學校 書院 公署

卷之五

戶口 田賦 課程 物產

卷之六

職官 名宦 甲科 人物 孝行 貞節 隱逸 僑寓

仙釋

卷之七

壇壝 陵墓 寺觀 古蹟 井泉

卷之八

文類

卷之九

雜著

卷之十

詩類

南康府誌卷之一

沿革

沿者因乎昔而革者更於今也南康之地東
濱吳西瀕楚九江豫章皆勢相連屬之郡故
自春秋戰國以來屬此屬彼分隸不一爲鎮
爲縣爲軍爲路建置無常逮我

國朝改路爲府始爲一統之定制故述其所由來以
便考焉

本府

按禹貢及周職方屬揚州之域舊誌以爲界
於荆揚二州蓋本七國方輿誌所謂吳頭楚

尾也以書考之淮海惟揚州彭蠡既潏而是
郡正面彭蠡則屬揚州之域明矣春秋爲吳
楚地而天文爲斗分野戰國屬楚秦屬九江
郡漢爲海昏彭澤二縣地屬豫章郡晉屬潯
陽郡宋齊因之隋唐屬江州五代楊吳置爲
星子鎮屬江州德化縣宋陞鎮爲縣仍屬江
州太平興國間相國張齊賢轉漕江表請就
邑置軍詔曰南方之俗其在康哉因得名南
康軍以星子爲附郭割洪之建昌饒之都昌
隸焉屬江東道元改爲路屬江西省增置水
軍上萬戶府領兵鎮禦至正間草寇攻江州

是軍因無城池被陷偽將邢萬戶侵據半載
本路吏周機儒士黃虞等共率義兵復之卒
爲所害江西僉事韓準來招撫萬戶即遁準
尋以陞職去廬山寨將張野雞遂出據之既
而爲偽將陳友諒所降辛丑八月

國朝天兵下江州遣同僉邵伯忠招安友諒野雞退
遁改爲西寧府壬寅僞相胡廷端遣員外郎
劉原善歸附

國朝遣行省官署郡事復爲南康府隸江西布政司
領四縣

星子縣

附郭沿革見本府編戶二十九里

都昌縣

在府東一百二十里春秋戰國皆爲吳楚地
秦屬九江郡漢爲鄒陽縣屬豫章郡晉屬潯
陽郡唐武德爲都昌縣以其南連南昌西望
建昌下接都村故名也屬浩州浩州廢復屬
江州大曆間徙治彭蠡湖東屬饒州宋置南
康軍始改屬焉元因之至壬寅歸附

國朝仍爲都昌縣屬本府編戶五十九里

建昌縣

在府治西南一百三十里本漢豫章郡海昏

之地東漢分置建昌縣尋析海昏建昌置新
吳永脩縣晉併海昏入建昌皆屬豫章郡隋
改豫章為洪州唐改為南昌州又析置龍安
永脩新吳三縣後併析不一宋太平興國七
年置南康軍始割而屬焉元陞為建昌州十
五歸附

國朝仍為建昌縣隸本府正德十二年析安義等五
鄉為安義縣編戶七十七里

安義縣

在府治西南二百五十里建昌之安義小鄉
南昌依仁控鶴五鄉去縣一百餘里依山據

洞賊黨聲援難於控制正德十一年知府陳
霖建議割前五鄉爲縣以便統攝縣名安義
屬本府里五十六按察司副使宗璽奏行撫
按衙門勘明區畫建立焉

郡表

前此無所考自唐虞以後迄于
國朝歷表其世代分屬而爲之圖一披閱而數千年
之沿革可考也

荆

揚

吳

虞夏商周

二州

春秋

楚之地

域之

地

屬

星屬江

隋唐

江州

五代南唐子州德

鎮化縣

太平興

太平興國

星 國三年 南 七年置軍

朱 子 陞鎮為 康 屬江東道

縣 縣統于 軍 統星子都

江州 昌建昌縣

至元十四年

南 陞路屬江西

元 康 行省統星子

路 都昌建昌三

縣